

# Nuwe Lied Bediening

*Hy het 'n nuwe lied in my mond gegee, 'n lofprijsing tot ons God sodat baie dit sal sien en respekvol vrees en op Yahuah vertrou. Ps.40:3.*

Wanneer ons die Torah bestudeer moet ons onthou dat Yeshua, dié Gesalfde Een, die boodskap van יהוה-God is wat vlees geword het! Hy is die weg na die waarheid wat lewe gee – die Lewende ‘man hu’ wat uit die hemel gestuur is en יהוה se Torah vervolmaak het. Sonder die Afgesonderde Gees wat in ons, en deur ons lewe, sal die geskrewe Torah net die dooie letter van die wet wees!!

**Yeshua is die hart van die Vader!!**

## Parashah 37: *Shelach Lecha* – Stuur jy

יהוה het met Mosheh gepraat en gesê: “Stuur manne uit, dat hulle die land Kena’an, wat Ek aan die seuns van Yisra’el gaan gee, kan verken. Van elke stam van hulle vaders moet julle een man stuur, elkeen ‘n leier onder hulle.” Num. 13:1 en 2 – PWL<sup>1</sup>

**Torah:** Num. 13:1 tot 15:41

**Haftorah:** Joshua 2:1 tot 24

**Nuwe Verbond:** Matt. 9:20; 14:36; 23:5; Mark. 6:56; Luk. 8:44; Heb. 3:7-19; Rom. 8:31, 37; Fil. 4:13; Heb. 11:32-34; Rom. 15:4; 1Kor. 10:11; Rom. 3:29 tot 31; Gal. 3:28 en 29; Efes. 2:11-19.

**H**ierdie notas is aanvullend tot vorige notas vir Parashah 37 wat afgelaai kan word by: [http://nuwelied.info/?page\\_id=1182](http://nuwelied.info/?page_id=1182).

*It is only with gratitude that life becomes rich!* – Dietrich Bonhoeffer.

*Your living is determined not so much by what life brings to you as by the attitude you bring to life; not so much by what happens to you as by the way your mind looks at what happens.* – Khalil Gibran.

*Ability is what you're capable of doing. Motivation determines what you do. Attitude determines how well you do it.* – Raymond Chandler.

*It is our attitude at the beginning of a difficult task which, more than anything else, will affect its successful outcome.* – William James.

## Torahbespreking

### Hersiening

In verlede week se Torahskriflesing het Mosheh die laaste instruksies en onderrig aan Yisra’el gegee en was die priesters ook gereinig sodat hulle geskik sal wees vir die dienswerk

<sup>1</sup> Alle teksverwysings is geneem uit PWL (Pad van Waarheid tot die Lewe) Vertaling ([www.padwlewe.ch](http://www.padwlewe.ch)), behalwe waar anders vermeld. Om ‘n kopie van die Bybel te bekom kan Gerrie Coetzee per e-pos by [gerrie@padwlewe.ch](mailto:gerrie@padwlewe.ch) gekontak word of telefonies by 074 361 2134.

met betrekking tot die tabernakel. Op die twintigste dag van die tweede maand in die tweede jaar nadat Yisra'el uit Mitzrayim weg is, het hulle die reis na die beloofde land, Kena'an, voortgesit.

Maar ons het ook geleer dat “die volk het geword soos mense wat kla van swaarkry voor die ore van יהוה (Num. 11:1). Yisra'el het begin terugverlang na die “vleispotte” van Mitzrayim!

Die vraag was of Yisra'el hoegenaamd rede gehad het om te kla, want יהוה het in al hulle behoeftes voorsien?! Maar hulle behoeftes het nou in gierigheid verander en dit was die gemengde bevolking (die vreemdelinge) wat die vuur van gierigheid aangesteek het, naamlik hulle wat saam met Yisra'el uit Mitzrayim getrek het, wat die res van Yisra'el tot ontevredenheid beïnvloed het!

Hierdie is 'n voorbeeld van die minderheid wat die meerderheid se lot bepaal. Yisra'el het toegelaat dat die invloed van die minderheid oorspoel na hulle deel van die laer. Hulle het teen יהוה gerebelleer en voor Hom gehuil en gesê: ‘Hoekom het ons ooit uit Mitzrayim opgetrek?’ (Num. 11:20).

In hierdie week se Torahskriflesing sien ons dat geskiedenis 'n geneigdheid het om herhaal te word, naamlik dat die invloed van die minderheid oorspoel na die meerderheid! Die verslag van tien van die twaalf verkenners het Yisra'el sodanig beïnvloed dat hulle nie volgens die belofte aan Avraham, en volgens die opdrag van God, die beloofde land, Kena'an in besit geneem het nie! Hierdie gebrek aan vertroue het baie ernstige gevolge vir Yisra'el gehad! Dit was een van die waterskeidings oomblikke in Yisra'el se geskiedenis.

### **Bepeins of Bespreek**

1. Wat was die motiewe van die gemengde bevolking (die vreemdelinge) wat by Yisra'el aangesluit het? Het hulle saam getrek vir die moontlike voordele wat dit inhou? Onthou: Daar is diegene wat Yeshua by hulle lewe voeg, en dan is daar diegene wat hulle lewe by die van Yeshua voeg. Watter van dié twee groepe is die ware studentevolginge van Yeshua en deel van watter groep is jy?

### **Doen Eers 'n Kosteberekening**

Nou dat Yisra'el die tog na Kena'an aangepak het, het hulle spoedig tot die besef gekom dat die “wittebrood” by Sinai verby was en dat hulle vertroue en getrouheid voortaan getoets gaan word. Maar die vreugde van vryheid en dankbaarheid van voorsiening was vervang met ontevredenheid en ondankbaarheid soos blyk uit hulle woorde: “maar nou is ons eetlus opgedroog; daar is glad niks om na te kyk nie, behalwe net die ‘man hu’ voor ons oë.” (Num. 11:6).

Daarom kan ons die vraag vra of Yisra'el uit Mitzrayim weg is bloot omrede hulle van die slawejuk bevry wou word, of het hulle weggetrek met 'n ware verlange om יהוה-God ten alle koste na Kena'an te volg. Was die belofte aan hulle vaders, Avraham, Yitz'gak en Ya'akov, van die beloofde land nog brandend in hulle harte gewees? Ons kan ook vra: Het hulle werklik dieselfde visie as יהוה-God gehad?

Die vraag kan ook soos volg gevra word: Het Yisrae'el eers 'n kosteberekening gedoen van wat dit behels om God in gehoorsaamheid te volg en om die beloofde land in besit te gaan neem? Was hulle bereid om die voorbeeld van hulle voorvaders te volg en die instrument in God se hand te wees om Kena'an af te sonder en te vestig as יהוה se Koninkryk?

Onthou: Yisra'el van ouds is 'n sinnebeeld van die ware studentevolgelinge (dissipels) van Yeshua! Daarom moet ons ook onself vra wat was ons motivering om van die slawejuk van sonde bevry te word? Het ons 'n kosteberekening gedoen van wat dit behels om God deur die onverdiende guns in Yeshua in gehoorsaamheid te volg, en om die Koninkryk van die Hemel hier op aarde in besit te neem?

Dit is so maklik om te sê dat ons studentevolgelinge van Yeshua is! Maar verstaan ons regtig wat is die vereiste om 'n een te wees? Kwalifiseer ons volgens Yeshua se vereistes om 'n studentevolgelinge van Hom genoem te word?

Om 'n volwaardige en getroue studentevolgelinge van Yeshua te wees, moet elkeen eerstens seker maak van wat dit behels en, tweedens, om in die lig van wat dit behels, bereidwillig te wees om Yeshua tot die einde te volg, selfs in die moeilikste omstandighede! En ja, selfs om met jou lewe te boet. Yeshua verduidelik hierdie kosteberekening in Luk. 14:25-33:

- 25 Baie mense het saam met Hom geloop en Hy het Hom omgedraai en vir hulle gesê:  
 26 “As iemand na My toe kom en hy het nie sy vader, moeder, vrou, kinders, broers en susters, ja, selfs ook sy eie lewe minder lief nie, kan hy nie My studentevolgelinge wees nie.  
 27 Elkeen wat nie sy eie kruis dra en agter My aan kom nie, kan nie My studentevolgelinge wees nie.  
 28 Wie van julle wat 'n toring wil bou, gaan nie eers sit en bereken die koste, of hy in staat is om dit te voltooi nie?  
 29 Indien nie, as hy die fondament gelê het en nie in staat is om dit te voltooi nie, sal almal wat dit sien, met hom begin spot  
 30 en sê: ‘Hierdie man het begin bou en kon nie klaarkry nie.’  
 31 Of watter koning wat optrek om teen 'n ander koning langs hom oorlog te maak, gaan nie eers oorweeg of hy in staat is om met tien duisend die een te ontmoet wat met twintig duisend teen hom kom nie?  
 32 Indien nie, stuur hy afgevaardigdes terwyl die ander een nog ver is en vra vir vredesvoorwaardes.  
 33 Net so kan ook niemand van julle, wat nie afsien van al sy besittings, My studentevolgelinge wees nie.

Het jy al hierdie kosteberekening gedoen? Kan jy met oortuiging sê dat jy Vader-God en Yeshua meer lief het as jouself en as jou geliefdes? Is jy bereid om af te sien van dit wat vir jou belangrik is en om selfs bereid te wees om van alles wat jy besit af te sien om Yeshua enduit te volg, al kos dit jou lewe?

Yeshua het drie keer vir Kefa gevra: “Shim'on, seun van Yoganan, het jy My lief, meer as hulle hier?” (Joh. 21:15-19)? Telkens het Kefa 'ja' op hierdie vraag geantwoord. En toe sê Yeshua vir hom:

- 18 “Dit is 'n tydlose waarheid wat Ek vir jou sê: toe jy jonger was, het jy jouself aangetrek en gegaan waar jy wou, maar wanneer jy oud geword het, sal jy jou hande uitsteek en 'n ander een sal jou aantrek en vat waarheen jy nie wil nie.”  
 19 Dit het Hy gesê om aan te dui deur hoedanige dood hy God sou vereer en loof en nadat Hy dit gesê het, sê Hy vir hom: “Kom, volg My.” Joh. 21:18-19.

Die wyse wat Kefa gesterf het was deur kruisiging sowat 33 jaar na Yeshua. Volgens sommige geskiedskrywers was hy op sy versoek onderstebo gekruisig, omdat hy homself nie waardig geag het om soos Sy Meester Yeshua te sterf nie. En volgens die geskiedenis het nog

agt van die apostels ook ‘n marteldood gesterf omrede hulle in die voetspore van Yeshua gestap het!

Daarom is die eintlike vraag die volgende: Is jy ‘n volgelinge van Yeshua weens die belofte van seëninge, of is jy ‘n studentevolgelinge wat bereid is om Hom enduit te volg, al moet jy alles wat vir jou kosbaar is prysgee en al kos dit jou lewe? Beantwoord die vraag in die lig van die definisie van ware liefde:

Ware liefde het niks te doen met wat jy verwag om terug te ontvang nie. Liefde het slegs te doen met wat jy bereid is om te gee en ware liefde is bereid om alles te gee. Wat jy terug ontvang sal wissel, maar dit het geen verbintenis met wat jy bereid is om te gee of hoeveel jy gee nie. Jy gee alles en verwag niks omrede jy waarlik liefhet.

### **Bepeins of Bespreek**

1. Is dit dié liefde waarmee jy jou Skepper-God lief het en die liefde waarmee jy in die voetspore van Yeshua stap – ‘n liefde wat niks terug verwag nie, maar bereid is om alles te gee? Is dit dié wyse wat jy jou geliefdes en jou naaste lief het? Is jy bereid om onvoorwaardelik lief te hê sonder om iets terug te verwag? Dit is die liefde wat die studentevolgelinge van Yeshua moet openbaar!!
2. Het jy en ek die Gewer van alle genadegawes (Jak. 1:17) waarlik lief of het ons die gawes en seëninge liever as Die Een wat dit gee? Sal ons Vader-God met ons hele wese steeds liefhê al beantwoord Hy nie een van ons gebede nie?
3. Sal ons bereid wees om voort te gaan as studentevolgelinge indien Yeshua vir ons, soos vir Kefa, sou aandui hoedanige dood ons sal sterf?

### **Vertroue en Getrouheid**

Die hoogtepunt van hierdie week se Torahskriflesing is die verkenning van die beloofde land, Kena’an, en die verslag van die verkenners.

<sup>1</sup> יהוה het met Mosheh gepraat en gesê:

<sup>2</sup> “Stuur manne uit sodat hulle die land Kena’an, wat Ek aan die seuns van Yisra’el gaan gee, kan verken. Van elke stam van hulle vaders moet julle een man stuur, elkeen ’n leier onder hulle.”

Yisra’el was gereed om Kena’an binne te gaan en יהוה het Mosheh opdrag gegee om twaalf owerstes (prinse), een uit elke stam, te stuur om die land te verken. Mosheh het geweet dat die belofte van die beloofde land ‘n “waarborg” ingesluit het, naamlik dat Yisra’el die land sou verower. יהוה se beloftes vereis egter van die mens ‘n handeling wat ooreenstem met die belofte, naamlik, in hierdie geval: Gaan en neem die land in besit!! Kena’an was die land wat יהוה aan die seuns van Yisra’el sou gee!

Wat van Yisra’el vereis was, was om יהוה te vertrou dat Hy hierdie belofte gestand sou doen, naamlik om God te vertrou dat Hy nie ‘n man is dat Hy sou lieg nie (Num. 23:19), en tweedens, dat hulle getrou volgens God se opdrag sou optree om die land in besit te gaan neem!

Indien ons יהוה se beloftes glo, moet ons die ooreenstemmende vertroue hê om die beloftes in besit te neem. Ons moet onthou dat יהוה se beloftes is Sy wil!! Daarom moet ons ooreenkomstig יהוה se beloftes optree. Ons moet optree volgens wat ons glo, naamlik ons

optrede moet ons vertrouwe bevestig! Onthou: Vader-God gee ons elkeen die keuse om te besluit of ons Sy wil of ons eie wil gaan volg, en of ons Vader-God genoegsaam vertrou dat Hy Sy beloftes gestand sal doen.

Onthou: Geloof bestaan uit vertrouwe in יהוה en getrouheid aan יהוה! Die een kan nie sonder die ander nie! Vertrauwe in יהוה as die getroue Verbondsgod sonder getrouheid (gehoorsaamheid) aan יהוה se Torah soos dit in Yeshua vervolmaak is, is nutteloos! In sy brief skryf Ya'akov oor die nutteloosheid van vertrouwe sonder die ooreenstemmende dade (Jak. 2:14-26).

Daarom vereis afgesonderdheid (heiligmaking) beide vertrouwe en getrouheid. Dit is vertrouwe in Yeshua as die Lam van God deur wie se bloed ons vergifnis van sonde ontvang. Maar dit moet opgevolg word deur getrouheid aan יהוה se Torah, naamlik om dit te doen wat יהוה ons beveel en soos dit in Yeshua vervolmaak is. Dit is die pad tot afgesonderdheid (heiligmaking) en die wyse wat ons יהוה se Koninkryk in besit sal neem.

Ons moet afgesonderd wees sodat יהוה in ons midde kan woon en ons in Sy Gemanifesteerde Teenwoordigheid kan staan. Ons is die tempel van יהוה en as koninklike priesterdom is dit ons strewe om daagliks in die Mees Afgesonderde Plek, in יהוה se Teenwoordigheid, te lewe. Dit is daar waar ons daagliks rus en shalom, naamlik vrede, vreugde voorspoed, gesondheid en vergenoegdheid, sal ondervind. Dit is die “Beloofde Land” wat ons in besit moet neem om יהוה se Koninkryk in ons eie lewe en omgewing te vestig en ‘n oorfloedige lewe in Yeshua deelagtig te wees (Joh. 10b).

Daarom moet ons nie dieselfde fout as Yisra’el van ouds begaan nie. Nee, ons moet יהוה vertrou dat deur die onverdiende guns in Yeshua is Vader se Torah in ons begrip gegee en dit op ons verstand, wil en emosie geskryf (Heb. 8:10) om deur Sy Gees te kan vertrou en om getrou te kan wees.

Maar die vraag is: Wie word in die Mees Afgesonderde Plek – in יהוה se Teenwoordigheid – toegelaat? Die antwoord is: Slegs hy/sy wat rein, naamlik sonder sonde is!

Hoe uitermate gelukkig is dié wat rein van verstand, wil en emosie is, want hulle sal God sien. Matt. 5:8.

So maklik glo gelowiges wat Yeshua as dié Gesalfde van God bely, maar hulself as vry van die wet (die Torah) beskou, dat hulle sonder sonde is en weens sekere “geestelike ervarings”, asook sielservarings, glo dat hulle in God se Teenwoordigheid kan staan. Sulke gelowiges verstaan egter nie wat sonde is en wat die impak (omvang / uitwerking) daarvan op hulle lewe is nie?

Om dit te verstaan moet daar eerstens besef word dat sonde die oortreding van Torah is (1Joh. 3:4 en 5:17). Dit is ongehoorsaamheid en die verwerping van die Karakter en Outoriteit van God. Dit is rebellie teen יהוה-God! Torah leer ons dat יהוה die wat rebelleer uitwerp en straf, soos wat Yisra’el se geskiedenis dit wel bevestig.

Tweedens moet besef word dat Rom. 6:23, naamlik dat die loon (uiteinde) van die sonde die dood is, ‘n onveranderlike geestelike wet van יהוה-God is. Hy is die Oppergesag, naamlik die Wetgewer van alle natuur- en geestelike wette en wat nougeset, sonder uitsondering, daarvolgens optree.

Derdens is dit belangrik om te besef dat sonde ‘n tweeledige uitwerking het, naamlik op die mens en op יהוה!

Die uitwerking op die mens wat moedswillig sondig is volgens Rom. 6:23 die dood – eerstens geestelike dood en uiteindelijke die ewige dood!

Die uitwerking op יהוה is dat hy verplig word om volgens Rom. 6:23 op te tree, want anders is Hy ‘n onregverdige regter en kan Satan vir God aankla!!

Al bly die liefde van God vir die mens onveranderlik, sal Hy volgens Sy Karakter en Outoriteit die sondaar nie in Sy Teenwoordigheid toelaat nie. Sonde “verplig” God om op te tree as regverdige Regter en om die sonde dus te veroordeel en te straf!

Wanneer gesondig word, word die uitwerking nie altyd dadelik sigbaar nie, maar God sal Sy eis dat die sonde gestraf moet word, nie laat vaar nie. Solank as wat die sondaar skuldig is, kan יהוה as Afgesonderde nie die sondaar in Sy Teenwoordigheid toelaat nie.

יהוה-God, ons Vader, vereis vertroue in Hom en getrouheid aan Sy onderrig en instruksies. Alleenlik dan sal ons in Sy voortdurende Teenwoordigheid lewe en sal ons Sy woning, naamlik Sy mees Afgesonderde Plek wees.

As iemand My lief het, sal hy My boodskap gehoorsaam en My Vader sal hom liefhê en Ons sal na hom toe kom en by hom blyplek maak. Joh. 14:23.

### **Bepeins of Bespreek**

1. Die meerderheid gelowiges is skuldig aan doelbewuste sonde, veral aan die oortreding van die Shabbatgebod, en tog is hulle oortuig dat hulle in יהוה se Teenwoordigheid staan op grond van wat hulle glo, asook weens sogenaamde “geestelike- en sielservarings”, maar wat uit die vlees is. Hierdie is een van die mees subtiele en omvangrykste misleidings van mense wat glo dat hulle יהוה in Gees en Waarheid dien, maar hulle hart is vêr van God. Onthou wat Yirmeyahu gesê het, naamlik: “Bedrieglik en ernstig siek is die verstand, wil en emosie bo alle dinge” (Jer. 17:9)! Is Yeshua se waarskuwing in Matt. 7:21-23 ook op hierdie mense van toepassing? Onthou: Al is ons bedoelings hoe opreg, kan ons nog altyd opreg verkeerd wees omrede ons nie יהוה se onpartydige opregtheid ken nie!
2. Onthou: Ywer en goeie bedoelings is nie ‘n plaasvervanger vir gehoorsaamheid nie. Verwys Rom. 10:1-3. Lees ook 1Sam. 15:22-23 wat Sh’mu’el vir Sha’ul gesê het.

### **Die Verslag van die Verkenners.**

Die verkenning van Kena’an, en die verslag van die verkenners het plaasgevind na die rebellie van Miryam en voor die rebellie van Korag. Beide Miryam en Korag het kwaad gespreek (*l’shon hara* – sondes met die mond gepleeg, lastering) teen die leierskap soos deur יהוה aangestel was en met ernstige gevolge. Tien van die twaalf verkenners het ook kwaadgespreek van יהוה, asook van die land wat Hy aan Yisra’el belowe het (Num. 13:26-29) en die gevolg was ‘n verdere 38 jaar swerftog in die wildernis. Hierdie behoort as waarskuwing vir ons te dien!!

Die tien verkenners het die vrugbaarheid van die land gesien, maar ‘n negatiewe verslag aan Mosheh en die volk voorgehou en sodoende die hele volk negatief beïnvloed. Hoekom? Omdat ons eers sien en dan praat ons oor wat ons gesien het. Die lastering (*l’shon hara*) van die verkenners was dat hulle egter anders gepraat het as wat hulle gesien het! Hulle het wel die vrugbaarheid van die land gesien, en die bewys daarvan terug na die volk gebring (Num. 13:23 en 27), maar hulle monde het hulle oë voorafgegaan!! Hulle het nie ‘gesien’ wat יהוה

‘gesien’ het nie! Die verkenners het dinge uit ‘n vleeslike oogpunt gesien en daarom nie die belofte van יהוה geglo nie.

Soos reeds bespreek, is geloof getrouheid plus vertrou, naamlik getrou (gehoorsaam) aan Torah soos in Yeshua vervul is, en vertrou in die getrouheid van Vader-God. Vertroue is glo en sien!

Vertroue is gebaseer op feite en beloftes. ‘n Feit is dit wat reeds gebeur het, terwyl ‘n belofte is dit wat nog sal gebeur. Elkeen van יהוה se beloftes is egter ook ‘n feit. יהוה belowe asof dit reeds gebeur het! Dit is wat die skrywer van die brief aan die Hebreërs in Heb. 11:1 bevestig:

Vertroue is die oortuiging aangaande daardie dinge wat in versekerde verwagting is, asof dit daardie dinge in aksie is en die openbaring van die dinge wat nie gesien word nie

Y’hoshua en Kalev het nie die gedeelte van die tien verkenners se verslag oor ‘n land wat sy inwoners verteer, en van die reuse van die land wat Yisra’el soos sprinkane laat lyk, ontken nie. Hulle het egter met hulle geestesoë gekyk en יהוה se belofte gesien en dit geglo.

*Though Caleb and Joshua saw the same things that the other ten spies had seen, their assessment of the situation was completely different. They looked at the Anakim and the Canaanites through the eyes of faith. This is the difference between a blind faith and seeing faith. Blind faith is uninterested in the data. "Don't confuse me with the facts." A seeing faith beholds the real world with all of its problems, but it interprets that world in steadfast confidence. It is an unquenchable spirit of optimism, a confidence in God's ability to utterly transcend each and every obstacle (Schelach, First Fruits of Zion, 2012).*

Die twaalf verkenners was op dieselfde sending na die dieselfde land. Tien van die twaalf het getwyfel en die oorgrote meerderheid van die volk meegesleur in vrees, twyfel en kommer. Die wat vrees, twyfel en bekommer is nooit alleen nie! Dit het Yisra’el 38 jaar geneem om die oes van twyfel, vrees en kommer uit te wis en die nuwe saad van vertrou te saai wat ‘n vrugbare oes sou lewer om Kena’an in besit te neem!

Die tien verkenners se negatiewe verslag moet ook gesien word in hulle woorde soos in Num. 13:33 opgeteken is:

Ons het ook die reuse (Nefilim) daar gesien, die seuns van `Anak is deel van die reuse en ons het soos sprinkane in ons eie oë geword soos ons ook in hulle oë was.

In vergelyking met die reuse wat hulle in Kena’an gesien het, het hulle soos sprinkane gevoel en ook die afleiding gemaak dat die reuse hulle ook as sulks beskou het. Die tien verkenners, wat veronderstel was om die voorbeeld vir die res van Yisra’el te stel, het nie die oortuiging gehad om God se beloftes as ‘n feit te sien nie – ‘n feit wat sal realiseer deur in vertrou Kena’an in besit te gaan neem, want יהוה is hulle Versekerde Verwagting en die Afgesonderde Een van Yisra’el is hulle Koning (Ps. 89:18)!

Hulle het hulself nie “gesien” soos יהוה hulle gesien het nie!

### **Bepins of Bespreek**

1. Soos ons eindtydgeboure rondom ons ontvou, moet ons ook versigtig wees om nie soos die verkenners ‘n negatiewe verslag te gee nie wat veroorsaak dat יהוה se beloftes vergeet word. Met die verskillende platforms op sosiale media is kommunikasie maklik en vinnig en word dit veral deur gelowiges gebruik om boodskappe en nuus van vrees te versprei. Is

diegene wat dit doen nie ook dikwels skuldig aan kwaadsprek (*l'shon hara*) teen יהוה nie? Is hierdie woorde oor eindtydgebeure woorde van vrees of van vertrouwe en hoop van 'n versekerde verwagting?

2. Is ons vrees en besorgdheid oor hoe ander ons sien nie dikwels die oorsaak van vrees en hoekom ons nie יהוה se beloftes in besit kan neem nie?
3. Volgens oorlewering wou tien van die verkenners nie Kena'an in besit neem nie, want hulle wou nie die verantwoordelikheid aanvaar nie. Het hulle gemaksugtig geword, want יהוה het vir hulle in die wildernis gesorg? Om Torahgehoorsaam te lewe is 'n baie groot verantwoordelikheid. Ons gesindheid waarmee ons in gehoorsaamheid aan יהוה se liefdevolle onderrig lewe en beproewinge hanteer, bepaal grootliks ons uiteinde! Onthou wat in Heb. 11:6 geskryf is! Met watter gesindheid benader jy die eindtydgebeure wat alledaags in ons lewe geword het? Is jy deel van die Y'hoshua- en Kalevgenerasie of luister jy na die stem van die ander tien verkenners?

-o-o-o-o-o-o-o-o-

Ontvang יהוה se Woord met welwillendheid, maar ondersoek self die Skrifte of hierdie dinge die waarheid is (Hand. 17:11).

Shabbat Shalom!  
Johan.

Epos: [kontak@nuwelielied.info](mailto:kontak@nuwelielied.info)  
Webwerf: <http://www.nuwelielied.info>

*Kopieë mag gemaak en gratis versprei word, maar mag nie verkoop word nie. Geen veranderinge mag aan die oorspronklike teks aangebring word en dit dan onder die naam van Nuwe Lied Bediening versprei nie.*